

桂

馨

堂

集

順安詩草卷七

嘉興張廷濟叔未著

男慶榮孫

福熙晉變

較

盛澤仲子湘秀才以新居被焚仍回市中仲

家術老屋作舊時月色樓圖持來乞詩

云何家具攜轉住君家術女丁戲詩癡神通偶一
弄月色故淒清市聲任喧闐翻喜歸與歸都忘痛
定痛索人作新圖要人發孤諷乃知詩人癡到處
殊介衆風雨小艇移梅華破春凍如此詩事奇我
肯陳言用詩成還君圖請入舊時夢

受之姪辛得舊人畫幅索余標作橫山草堂

圖

未遂還山夢裏緣卽逢片畫亦欣然何時突兀眞
成屋幾畝青松幾斗泉

石上鐫鏤紙上鈎溪南溪北此句留相逢莫漫輕
相別我老龍鍾已白頭

次韻答乍浦曹淡秋鎮定

建安才子早知名曩昔還賒願見情怪底瀛壖落
鼓振快裝書卷布帆輕微雲句好誇佳壻

淡秋爲故友廖

竹友同學之婿子墨文工賦客卿正是假緣資勝侶落華

風裏聽詩聲

壬寅二月廿五日招淡秋小飲清儀園次日

淡秋來詩次韻答之

龍泉茗淪杏華天只是茶筵豈酒筵但論詩文如
水乳未妨蓑笠亦神仙村墟市近魚鰕賤野隴春
迴豆麥鮮難得笑言纔隔日又飛采筆到華牋

三高士昔入山深

余出李潛夫巢端明徐侯齋
三先生圖冊與淡秋共讀

不

辦長門賣賦金祠屋幾椽留舊蹟寒泉一掬潤枯
吟蜀鵑啼破孤臣淚遶鶴歸來故園心好蒸瓣香

同下拜白雲滿塢共追尋

訂他日同謁龍
湫山人祠堂

三月十二日舟詣郡城孫輩試寓

爲問孫枝新試文輕教柔艣劃波紋預籌老伴尋

三四

馬澹于文後山
倪敬亭殿雲樓

未要好花開十分虛屋有人

延葢叟棄襦當日說終軍春晴聽報田家喜一破
愁眉海國聞

十九日詣郡寓翟氏獨繭園丹次遇風得雨

而和

牡丹華落葉猶香又客西埏舊草堂長日似年書
料理顛風如浪雨平章無多行李僮休約重掃莓
苔主亦忙贏得鄰兒都認識雙眉三寸白於霜

唐南浦尉張子同志和石刻畫像爲邵稼甫

嘉穀賦

重新祠貌配三高蓑笠煙波一短橈不是召平勤

道古越州誰問大夫橋

志和舊唐書無傳新唐書有傳發州金華人築室越

州東郭門阻水無梁觀察使陳少遊爲構之人號大夫橋

十月十八日鐙下獨坐

兒孫以試事俱赴郡

絮袍氈帽敵霜威老向寒窗願不違飽飯猶慚今
我負溫書祇覺昔時非聾盲那用酬聲色消息惟
應杜械機七十五年行又過鐙華何事更光輝

是夜三更夢於書房中讀書口渴走進房向

母親討茶喫

一番寒信促裝絲冷暖由人老不便夢裏難忘呼

阿母亂餘猶喜值豐年餘三學肯荒前帙減二

恩歡到薄田

詔免今年
糧賦十之二

怕說秋前心膽

碎海隅滿地走戈鋌

癸卯新正人日查丙唐奕照以粉墨畫梅卷

索詩次黃霽青韻

東風吹暖逢人日萬箇冰華生紙墨隴頭驛使可
曾來芳信多情行得得粉香墨暈一時噴羅浮山
下冰爲魂身行萬里腰腳健回頭春夢都無痕麻

姑過君猶狡，猶笑索山翁。成墨戲癡髓，何勞玉頰。
醫麝煤，休掃雲眉媚。揚玉粉，本將毋同飛。梁欲化，
蒼虬龍風鬢。雪虐不能壞，桃李漫山齊下拜。

明嘉善諸生唐子玉名璵，甲申乙酉間由西塘遷嘉興之新坊，與巢端明、褚硯友。有遺像，像佚而董文敏題字猶存。七世孫寶銜號蕉庵，重摹像而屬詩。

唐衢不羈才，命蹇抱鬱抑。巢褚乃素交，心蹟冰與雪。電往二百年，形容未消歇。華亭暮年書，龍驪珠百一。我集李巢徐

平湖李潛夫嘉興巢端明長洲徐俟齋

零簡遞授

拾未知先生賢後生真寡識新坊一帶水泓湛碧
一色庶蘄珉石鐫用以述祖德

唐蕉庵帆影樓

一路帆如織詩題滿畫樓風雲生紙墨圖畫卽滄
洲抵作江湖夢眞爲文字遊干戈今已靖莫再話
從頭

去年四月夷警乍滿潰卒
四逸新坊亦稍被掠擾

三月十日錢有山泊光又將趁糧艘北行過
篁里用前詩韻

輕裘肥馬例除刪石墨金文作等班五兩南風春
水穩送君再看鵲華山

四月十五日賦謝儀徵師眉壽圖并記之惠

卽以留別

卅年重見上台星帶草叢叢綠滿庭弟子顏衰眉

亦白先生情重眼逾青傾心學壽

師有學壽齋載
孳經室續集

還傳壽稽首孳經當拜經不是秋花便春月江湖

安穩復揚舩

揚行雜詩

料理桃符歲欲除朵雲飛下一封書買船堅起乘

潮興不管衰頹七十餘

壬寅小除夕儀徵師書至
四月二日由嘉興郡城雇

舟赴揚子邦梁孟
堅姪辛受之侍行

江北分明瓜步洲江心十丈打潮頭金焦且緩登

山看四月七日丹徒欄阻風我欲先登文選樓

笑指長眉促寫真賓頭盧莫是前身石臺竹椅親

規示畧卻師生算主賓師招揚城臨櫃炳烈畫眉壽圖而為文以紀

漢延熹與吳天璽筆法源流論入微退筆如山懣

未悟今真夜半得傳衣師為延濟書西嶽華山廟原刻殘拓論兩我農桑我

字資糧品物物字云云又為延濟書天璽紀功碑北宋拓

故紙叢殘只四番一錢一錢更寒酸相公門第清

於水破格偏收此禮單

虹橋十里泛晴湖亂石枯株半有無何事離商銀

百萬換將如甕一浮圖

四月十四日阮梅叔世叔招同邦梁辛遊虹橋

廣陵北一由旬地明月光輝饒社湖爲話淮南風

景好陂田萬頃長菰蒲

四月十一日書阮梅叔世叔珠湖漁隱圖後

又試人問第二泉登登聲裏放茶顛載將兩字舟

歸去一路清風對榻眠

四月十八日歸自揚州復遊慧山子邦梁姪辛拓得

唐李少溫聽

松二篆字

江北江南幾問途無端白盡舊髭鬚從今只向松

聲聽眉壽還添第二圖

儀徵師近貽眉壽圖擬於是拓作聽松侍杖圖

周末庵進士栻爲王芑亭逢辰作報玖圖余

題其冊首曰報橋李也

杉亭詩集
道暑偏宜小暑天吟朋一路寺門前
圖名題字都新樣左傳翻將作鄭箋

爲海鹽吾笏山大令德涵題
其外曾祖龔蕪圃侍御倚擔評花圖

萬華都要費平章肯負山中一擔香
正是廣平梅亦賦未妨鐵石是心腸

管家山樹萬梅華如此林泉有幾家
何事潤州重臧擢又思聽鼓放官衙

米書陽關曲

作字入纖妍一路退筆如山無一
是處米先生此蹟二十九行三百五
十字結構同美而

波折極嚴重有一筆不自唐人出乎遍覽石
刻熙寧八年乙卯祁陽縣涪溪後題詩先生
年二十五元豐三年庚申麓山寺碑側題名
先生年三十筆力已不可一世此蹟才華稍
敏當更在後然非董華亭孫退谷巨眼定識
後學究未敢臆斷海鹽吳思亭脩藏此蹟楓
涇謝石農太史曾刻入望雲樓帖吳死後此
蹟諸他處因不及火蔣生沐近以余言力購
之得

襄陽風格本天成寶蹟何須要帶名想已麻賤書
幾萬吳雲壑那不心傾

董公書後洩書祕公是書中老董狐密印心傳今
有幾可輕容易說鴉塗

硯山齋又望雲樓眞墨爭隨一炬收我是先生門

弟子辨香終古爲低頭

吳閩顧湘舟沅辟疆話舊圖次金子山憲仁

韻

曲水疏篁地名園別有天重尋摩詰畫未卸廣陵

船

五月初余歸自揚州過顧氏賜硯堂

寶刻萃賢萃

刻有吳郡五清百名賢象

門一硯傳殷勤主人誼盡日爲開筵

嘉善查禮齋堦以識字耕夫舊印贈黃霽青

黃作詩爲謝繼作清儀館甥印以報且次

前韻之詩查錄寄黃作并自作二詩次韻

以答

作聳魏塘鄉事往不可云那如唐公房同妻升飛
雲龍山今我墾錄事了糾紛何期佳印刻譽來湖
州君君木金閨彥勸學老尤勤我慚丈稱樂君卻
兄喚殷贈言助後進原策文字勦如余老且鈍焉
能張吾軍徒然丁不識置杖長耰耨

漢仙人唐公房碑雲來迎

公房妻子備然俱去故使聳鄉春夏無蚊蚋秋冬鮮繁霜延濟爲嘉善沈氏墾今五十八年悼傷亦二十七

年矣

次韻瑞少梅方伯元塞上見懷詩

幾載銜恩自秀州村氓可已徇知不文章治行人
尊重愁隔銀河萬里流

閩晉舟車使節頻塞翁應亦倦勞津謝公總繫蒼
生望行起東山著屐人

可容易就菜根香滿地干戈孰擔囊近苦秋風秋

雨甚田塍又滅稻登場

去年四月乍浦失守逸卒滿路篋里無可徙遷夷船

住只十日鄉里所患土盜而已今年中秋以前田禾有大豐象初八日風信滅收大半

原作

瑞元

先生品學重南州三載人曾識而不報政後親

老名士高年嬰鑠自風流

前任禾興任內三年未獲一見至授福建

糧道交卸後先生始來晤

舊治鴛湖來往頻每勞杖履到通津應知醉柳

閩中客

閩在鳥
什署中

深憶新篁里上人

墨妙投來字字香，遠攜關塞壯行囊。而今無限

滄桑感，幾至詩腸作戰場。

寧波乍浦相繼失守
想禾景況不堪回首

矣

嘉善顧午華應榴讀書秋樹根圖

便可移書老樹根，休提華屋與名園。輪蹄夢少塵

千斛，冰雪情多月一痕。此日世欽元歎寺。

吳志願
元歎榮

封遂鄉侯拜侯還寺而
家人不知後聞乃驚異時人說野王墩，側身天

地還搔首紙上興，亡更孰論

贈常南陔廉訪大淳

衡陽鍾偉英才大不可悉政餘敦古懷妙鑒亦無
匹去年騶騎經歐書千文得今年鷁舟行唐摹晉
帖獲坡公昔有詩鹿皮泥蒼壁朱絲補道元右軍
充鐵石誰知先生賢凡材不輕拾朝暮拔其尤拔
一勝千百瑞節皖江移裝輕惟書策空齋聲登登
清吟時互答我生無寸長寸長惟兩眉昔長尙半
額今揚且過之儀徵顧而笑云未見此奇貽圖并
貽記形摹施之碑先生大手筆江河瀉珠琪百六
十三韻杜韓能爾爲界格書楷則筆可歐虞追詩
書兩奇絕副者更復誰小夫駭且愧眉間汗徒滋

明珠不足報言感無已時

書王輯庭翁傳後

非富之難極貧而能富之難貧致富而擇其
術使無愧於己無負於人之難貧既富而不
壅其資可以紓當事之急可以濟耳目之兀
可以畢死生之願之尤難上海王翁輯庭生
一歲而孤家赤貧賴母夫人十指以活稍長
業絞索旋販海既富食餓者收水者効海運
助修城建節母公祠諸名公撰有傳誌詳矣
爲賦詩八章使讀者一振其氣

幼孤

孤兒未晬呱呱泣蟲帛蛩吟家四壁晨炊無米寒
無衣木棉夜績十指血斯時存亡不可期那卜菟
孤竟成立梁高行與魯陶嬰中壘傳稱今視昔

絞索

竄瀛水立惡風競壞檣摧檣昏石碇鯨吞蠹飽爭
須臾一纜能甦千百命我今綯索欲何爲我矢堅
半我命迸瓣縷朽敗蝨其間人未招災我已病不
將人命贏我錢此言直動人天聽

販海

龍驤萬斛衝瀛濤仁人氣歷天吳驕販魚不啻買
三倍載米恰迷人嗷嗷質氏灑削濁冒脯卑之直
可輕鴻毛

助賑

年荒食艱人食草仁者何心忍獨飽按戶計口儉
以粟要濟零丁與羸老滬濱四至粗可了推情直
到川沙道川沙是我母族居爲促連艘更載稻母
族自在母何在一奉斗粟一哭倒

收水者

長江水漲波連天漂屍漂棺相蔽連度營曠地急

撈掩他鄉鬼屋延荒阡生者流轉日以千棲之食
之遣以錢金陵聞有救生局囊金促遣佳兒前苦
心得錢不苦用傾身障簾羞芟芟

効海運

遼海轉帆 朝議出當事皺眉人縮舌挺然請以
身力肩某雖不官豈無職朦矓銜尾自家船路指
天津飛鳥疾事竣稽首謝天工 天庾有靈某何
力

助修城

突兀突兀上洋城歲久石剝甃摧傾浩浩蕩蕩黃

歇浦海濤撞激日夜聲官府議修翁議助銜石運
甕勞精誠公孫蒸土何所用如翁之志城真成

建合邑節母公祠

學舍西偏突起屋賢母之子王翁築翁言母節六
十年邑母節同非母獨學舍之後非無祠祠地窄
隘苦局縮我營爽廠成新堂同羞春蘩薦秋菊我
敬諸母猶我母子姓微忱倉一粟顧此公祠豈敢
私特報我母苦鞠育願我子孫世虔之一炷香煙
終古續

漢劉耽六面印

甲辰元旦爲濰縣陳
壽卿中書介祺作

桂馨堂集

順安詩草卷七

七

史晨饗廟碑碑在謁廟後劉耽姓名留部史仇誦
友里道周補完廡垣加塗黝又還民斂錢給麥償
所取如此尊聖心嗛吏名豈朽君今得此印六面
連綬鈕質文兩精好定出漢人手或云印六面漢
後式始有或云同姓名典午書可扣衆說非不覈
而我曰否否審印在審文屢驗自可剖六面文多
垂體則相沿舊此刻甚規矩一面文乃偶若在魏
晉時文已無此厚君近聖人居金絲聆曲阜珍重
忽得此魯殿比趨走此亦君家緣莫云輕付受信
是漢京遺他說可勿狃遙遙二千年文字光瓊玖

應知吉金吉特爲壽卿壽

揚州畢溫齋校書樓

江都畢溫齋光琦宋宰臣文簡公上安二十
六世孫近買得馬監街明職方司鄭元勳遺
樓儀徵師援宋莊獻太后畢校書
有德行句名之校書樓書來乞詩

校書樓勝吾師筆師是選樓曹祕書宋室清門傳
舊德明朝遺構煥新居廣陵濤白三秋際康阜峯
青二月初正合羣仙來會此西園東閣總相如

哭梅會里李香泚富孫同門

我今何處覩儀型棹重來淚自零閉戶自能成
獨行翹材方不負明經歐門伴少餘頭白鄭學書

多照汗青惆悵天香精舍地十三梅雪點寒汀

六舟僧達受千歲圖拓本次儀徵師韻

幻出奇觀渡海僧百千萬億一枝鐙光明錦現灰
堆裏錢舜舉畫知不能

我是在家一老僧看書如霧一昏鐙何當行腳同
君去兩足尊邊住慧能

錢唐項肖卿母氏楊遺像

育子眞兼父與師卅年清節畏人知休提門戶誇
楊震自種英賢說項斯銜得巖芝憑鹿守啼殘宰
樹痛烏私請看一紙千行淚讀向更闌夜雨時

南北峯高湖水深分明寫出母徽音千名教就書
霜荻十指枯來斷繡鍼碧草有暉爭報答白雲無
路更追尋縱然表得瀧岡石那畢孤兒一寸心

石門蔡鹿賓載福重摹聽松二字

第二泉邊篆二字大江南北無第二我來鋤山峴
摩挲此行尤喜兒姪侍禦兒蔡侯畫中仙見此喜
作春風顛張辛重摹入佳石書來更索新詩篇我
生本殊衆者好不愛花嬌愛松老蒼髯叟而聞重
開何異商山集華皓兒翁洞古仙雲封般若臺高
海氛重何如聽此風謾謾坐夢北固南朝松

吳江楊碩夫處士畫像

處士名菽吳江平望人從瞿幽谷式耜於陸
林瞿斬於風洞楊麻衣徒跣哭於孔有德前
凡四日孔乃許以冠服檢護瞿家屬并瞿骸
骨歸葬虞山暮年隱處尚湖吾谷間其墓與
瞿近墓前
環植梅花

難挽神州已陸沈故人柴市竟誰尋生前雲雨差
張耳死後冰霜識季心老去只扶吾谷杖愁來還
破海山琴祇今義魄忠魂近泣對梅華萬樹深

吳江陸朗夫中丞耀畫像

治河三策賈待詔誓墓一碑王會稽我過東沽曾
下拜阡原寂寂草萋萋

金山錢文甫培益蘭隱園圖

絕妙蘭成賦小園於時道古盡蘭言魚蝦市賤家

通泖書畫船多客到門舍利塔前常禮佛

文甫有吳越忠

蘇王所造金字紀號舍利銅塔木樨香裏記開樽

昔年桂秋奉訪

水西一

幅天然景莫便鷗波繪水村

明武宗鷹牌

一面文曰鷹字壹千伍佰叁拾柒號下鑄鷹形一面文曰隨駕養鷹官軍勇士懸帶此牌

無牌者依律論罪借者及借與者非同

矯索揚州又秦州阜鵬殺氣未曾休
鷹班氣盡拳寒鷲貂黨聲張嘯怪
鵠可有邳都堪作守何緣李

廣得封侯羽林猛士知多少耗盡官倉只臂鞬

武周金龜

天授元年改內外
官所佩魚並作龜

制換垂魚袋紫金輪元武亦何心李華浚亂房
州雨蓮葉敲鏗洛水陰合與詩朋償酒債翻憐夫
堦負香衾神君不管興亡事繡碧塗黃自古今

永嘉廣文錢唐孫兩人同元一經傳舊德圖

又作勘書像儒林有子孫僻家三鳳秀鄭學一經

尊冷席仍山水離情共話言安昌門下士

儀徵
師

白

髮幾人存

八月十三日同蒲山湯沂門學會海鹽張受
之辛過西湖靈芝寺尋漢陽僧蓮衣定濤
丹徒僧几谷明儉海寧僧六舟達受

雲水無端幾合逢筍輿藤杖趁微風未妨一宿同

桑下

六舟昔住太平門外
慈勝庵余曾止宿

縱說三生亦夢中鐵甕

城翻過小劫

几谷住小九華庵
被焚掠壬寅年事

靈光殿重仰吾公

讀儀徵師贈蓮衣
詩幅贈几谷詩扇

婆娑楊柳休興歎

靈芝寺卽柳
浪聞鶯處柳

盡蓮衣
將補植

賸有荷華尙守紅

只有荷花守紅
死溫飛卿詩

昇仙太子碑爲伊少沂念曾賦

緱山何事鱖眞仙絕倒金輪元武年可惜大名鍾

與辭不知筆諫柳誠懸

從臣班隊半庸庸何異封川向洛中不是苦心成
九諫房州誰曉賴梁公

十六日海寧伊少沂明府念曾招同僧蓮衣
定濤青雨達宣六舟達受張仲甫應昌集
豐樂橋行館用遊靈芝寺韻

幾度將迎未一逢者番來坐竹閒風雷何勝席元
談裏絲會名家隸法中現宰官身聊小試詠蘭亭
會屬羣公明朝便要歸帆挂那惜衰顏借酒紅

九月十九夜半腹疾劇

行年七十有七歲生順死安夫復言此去喜能
父母瀕行何用屬兒孫癡心要帶文章筆瘦骨
全歸孝友門擁鼻自驗真自遣伴人如豆一鑑昏
海鹽朱春甫錦篋里小憩圖

十年筆札久相於風貌常如山澤癰波折虛和傳
晉則郭填微妙入唐摹瀾翻只有詩腸闊驅使從
無酒膽麤珍重冬心蕭瑟意夜深團話擁寒鑑

十月海鹽張受之辛作客平望同人遨遊平
波臺見僧房壁上潘稼堂太史耒與志遠
詩扇書將就蝕爲刻石以貽志公六世孫

靜參打本寄示因次潘詩韻以紀之卽請
姚堅香前機邵稼甫嘉穀徐江帆錫琛孫
松泉■范湘槎用源孫九靈靈琳翁小
海雒叔鈞鴻諸友高詠

偶遊古寺壽佳蹟難得同心作伴來會與虎谿添
故實不辜漁艇弔平臺楓江畫裏詩千首笠澤書
中酒一杯那便扶衰參半偈佛香如篆講堂開

原作

潘耒

多年不到湖西寺爲訪深公破浪來龍聽法時
雲幕座鳥銜花處水平臺如歸僧衆飯千盃似

繡煙村渡一杯願得法輪窮劫轉優曇長筒講
筵開

近檢得爛谿潘太史舊藏吳天璽紀功刻石
整拓是三十年前吳江故友翁海邨廣平
所貽者以付潢匠而受之刻太史詩扇拓
適至桑盤孫九靈又寄小隱圖安詩皆墨
緣也復用前韻

孫郎筆札又飛至煙水墨緣次第來篋里我安投
老宅桑盤君護讀書臺兵戈客夢矛頭漸農圃家
風霜落杯還憶老翁

海邨

強健日草堂深話燭華

開

三用前韻答姚堅香前機趙靜鄉筠吳琛堂
鳴鏘徐江颿錫琛孫九靈靈琳張受之辛

和作

爛谿遺蹟偶書後佳詠何期得得來詩帳一添元
亮社禪峯重盭德雲臺黃梅已過殘冬信白酒還
留饒客杯郵札相磨殊有味衰年那不笑顏開

四用前韻答呂松坡偉山吳子默金壽邵稼
甫嘉穀吳友岑渙益甫汝謙范湘培用源
張受之辛和作

瑞程朱老各雲散那有詩筒陸續來

向與瑞少梅方伯元程應

溪廣文夢麟朱尚齋太守錦琮朱粟山廣文葵之次韻唱酬每作輒十數疊

片石偶然

鐫佛屋衰齡容易吐吟臺凋年蕭瑟寒梅影病骨支離濁酒杯翻笑舟人忙不了夜航爲送錦牋開

十二月六日爲徐籀莊外甥書松雪竹風梅

月廬圖之後

松雪竹風梅月無地無君乃扁作君家廬不怕造物怪多取兼要人作廬之圖君未弱冠五經熟遂爲南閣祭酒學繼乃博識商周文鐘鼎到眼豈有畫肚箝口讀如此鴻裁不奮飛晚試於省僅得明

經歸

戊戌之秋朔磨歲
貢士因扁因圖

得毋學多名轉微折除之

理是是還非非君言余名曰同柏與松竹梅同孤
植雪耶風耶月耶嚴光時交加有心有筠有信總
不改其德如此取譬義誠深吾乃淺者未得根源
尋還君此圖一大笑茅檐晴日但覺妍暖烘寒林
五用前韻答吳江吳琛堂鳴鏘子默金壽友
岑渙友霞汝豐趙誠孚清晏和作

松陵才數今猶昔脫手詩篇往復來似織龍梭成
錦段頓浮蜃市現樓臺長吟屢轉蓮華漏貪讀頻
燁竹葉杯怪底寒窗春意鬧嫣紅梅萼筆端開

右岑

寫紅梅

寄贈

積雨半月今日立春天晴朗吳江平望邵稼
甫嘉穀吳友霞汝豐趙竹君筠誠孚清晏
翁小海維叔鈞鴻和韻詩來六疊前韻答
之

乾鵲檐前晴送喜詩牋春信一齊來豐年有象傳
邨舍平浪無波想水臺爆竹安排如意帖頌華料
檢納新杯遙知朋友同行樂拄杖敲門趁凍開

漢寶武銅印

誓埽刑餘事不由天心知己厭炎劉衣冠慘到都

亭市組綬空還槐里侯地下愁癯傷國老人間氣
短哭清流賸留繡錯游平印一例童謠賣不休

順安詩草卷八

嘉興張廷濟叔未著

男慶榮孫

福熙
晉變較

海鹽張受之辛移居

遂爾鶯遷屋數椽營貲都藉石爲田得依鄰彥黃

江夏

蓮舫際清
韻珊憲清

便抵園居自樂天移具不煩車一

兩談經仍現界三千

新居與福
業詩更近

焚香埽地尋常事

士行朝朝且運甌

牡丹

乙巳三月嘉興縣試第
三覆有紅白綠墨之題

春色無邊上玉樓漢家帝子拜紅侯

楚元王傳劉
富封休侯更

陸馨堂集

順安詩草卷八

一

封紅
侯 休誇珠勒調園杏何事金裙妬石榴醉到霞

觴宜作友舞翻毼若爲儔歐陽品目知多少誰

是穠華第一流

紅

昨賜緋袍又紫袍魏家種子冠花曹羅囊佩出香
逾滿禁院詩成體自高露重秋娘簫宛轉煙濃吳
女玉堅牢春明翻卻千紅樣莫誤天台洞口桃

紫

分明仙闕引蓬萊不是黃金鑄不來自昔品題魁
洛下祇今聲價重燕臺嫩於鶯子春三月香入鵝
兒酒一杯忠孝相君休進奉花綢何事可輕開

黃

蘇文忠荔枝歎洛陽相君忠孝家可憐亦
進姚黃華錢惟演係吳越王後故云忠孝

掃除紅紫闌干般任洗臙脂畫恰難姑射自搖珠
蹀躞太真合凭玉闌干輕狂柳絮迷前夢冷落梅
花憶舊寒如此榮華如此淡知君身在五雲端白
忍負紅稀夢雨天綠腰軟舞鬪年年漫題蕉葉狂
髡屋好載春波范蠡船國豔有寒宜翠袖天香無
俗到華幘石家往事珠樓墜付與金尊自管絃綠
誰敲元笏幻天工富貴千枝墨一叢豈意新詞宜
李白翻教小閣草揚雄一春妮客杯盤外終古磨
人筆硯中可是江郎生夢裏金壺灑汁付東風

饒春

三月廿九日妾
自武林歸舟

鶯聲啼老百花中
瘦盡花枝萬點紅
爲問西湖遊
幾處幾番對酒憶東風

迎夏

四月一日韓城同年
師馬門太守亮采來

正整櫻廚酒一杯
那期千里故人來
白頭有約明年事
西子湖邊兩棹開

禹門之孫將補
嘉松鹽分司

得漢銅弩機文曰河內工官第六十一丙郭

牙臂懸刀兩鍵並同鑿
款米粒大畝斜中
有古趣五月廿三日集客小飲出此共看

徐籀莊用梅都官飲劉原父家原父懷古
錢勸酒詩韻作詩見投如韻答之

階樹肥欲滿庭華靡亦妍樂與儻蕩客伴我衰遲
年益益酒泛雪颺颺茶炊煙將熟未熟候既雨欲
雨天喜乍古金獲漫作乘韋先何時載出沙俾免
珠沈淵漢京年不紀河內地乃傳想飭將作匠便
習昆明船符鑄積弩印不虛水衡錢省括度則釋
發鏃中必連法雖夾庾味字恰銖黍圓我願洗兵
甲其樂衆大千偶爾作文譙陶然皆天全何爲醉
紅裙酣歌小嬋娟

原作

徐同柏 籀註

名士非不貴所惜醉妖妍風雅豈無主難得兩
忘年主人我舅氏曠觀紗雲煙長眉白過雪樂
此壺中天壺中何所有古器羸秦先往往攬物
華隻手拔重淵黃肩抑何幸得遇傳人傳筆譚

補夢豁一義真珠船

逸雅載弩機有郭有牙有臂有膝刀無曰鍵者母舅

據傳注補其名曰

裙屐竹林亞

謂季勤母舅贊南橋雅春慕劉敬仲理伯王芭

亭諸

日費杖頭錢蔣徑

平湖蔣兄竹音明遠橋梓與朱邨

朱兄

文字襪還連今朝羣仙會招弓影正圓側

耳聽佳音筆陣橫埽千諸甥愧從學

同柏從昨別學士燕

兒從雅春
表弟學 識字未能全洗盞且更酌松竹對娟

娟

漢陽葉東卿臺郎志詵以所得周遂啟謨鼎

送置金山書來屬詩

平安館中周鼎獲十有三年唯正月宣王中興揮

天戈功成獫狁旣薄伐錫貝作彝遂啟謨吉甫將

毋同用戊

申戊或
卽用戊

無專之鼎焦山尊此前三年應

曰伯

卅泉羅茗香士琳以三分周術又證以漢三
統術推得無專鼎九月旣望甲戌爲周宣王

十六年九月
之十七日

漢陽耆古古成癖集錄直過歐陽與

不私所有藏之山此意尤於人超越金山眈眈雄

淮南不比焦山人絕迹奠山只欠姬周金數典去
免此典闕我閱年華幾千百劉蹶嬴顛駒一隙何
惜爲君更行役秦嶺吳山誰主客勞君刻畫寵君
文曰勳曰多等竹帛玉帶今作忘年交君與眉山
已聯璧江濤滾滾水天碧德雲臺高此安宅期君
他日滌江來不數山樵一片石

我閱年華起十二句
作鼎語海鹽朱錦識

德清八十一歲老友程聽溪夢麟用拋字韻
詩至仍效其韻

又遞吟牋作弄嘲十年前韻未曾拋兵戈海國驚

前夢

余曾遊
兵德清

花藥溪堂認舊交

聽溪將還回
溪上草堂

莫歎

冷甌寒甘載總殊籬桶說三交

丹鉛錄程子遇青
城籬桶翁乃知未

濟三陽失位爲男窮之義弟名延濟
字叔未宜一生不得做木分官也

子孫曾輩能

耕讀便樂無懷與有巢

先生長曾孫已讀書
延濟亦有兩曾孫

原作

程夢麟

老作蒙師也自嘲無多來日敢輕拋拈題索句
同初學隔岸看山是舊交但解觀心參佛諦不
須問壽卜羲爻數椽仍住臨溪屋添得藏書亦
有巢

秀水計曦伯光所舊有吳永安六年計氏

甄辛丑之夏既索余詩而入之石矣

於舊所藏甄中檢得晉元康六年八月

日計氏作甄以贈並媵以詩

昔題永安六年

癸未

甄作者爲誰曰計氏元康六年

丙午計又作相去二十二年耳石頭一片卓降旛蝦

蟆又問華林園可憐陶家土未冷吳晉幾更主庸

昏五湖漁計君家譜樂哉蹋浪不蹋土一雙瓿甌

一家成旌陽遠遊同一許眼前古甄出不窮楚材

晉用將母同君家之甄君家寶一玉應雄三吳中

吾衰磨甄不成鏡此甄合爲君拋贈治牆香滿雁

來天華甌影裏清吟賸

受之於武林買得楊鐵崖酒後爲顧仲瑾家

侍姬篆書心經旣歸硤石蔣生沐摹以入

石書來索詩

語如冰雪篆如煙醒後文章醉後禪金粟玉山雙
屐穩維摩天女一鐙圓白衣總遂山人服黃絹還
鐫幼婦篇正網西湖珊瑚幾尺載將虹月米家船

嘉興朱星蓮廷璐海鹽朱香谷懋芬集飲

劉姪宜子孫齋兒子慶榮侍

正嫌寒意勒寒村親串偕來酒一樽小酌何云

白墮夕陽不管近黃昏
干雲竹節聯文社
釀雪松花擁墓門

二朱君皆有葬事

更約年年爲此會
雙雙著屐

破苔痕

夏六七月閒平湖蔣竹音槐結夏於竹西里

六如庵奉呂仙之朗吟堂十二月三日余

與王心耕福田過庵僧正上余所寫樸壽

堂之扁成詩紀之

舊是唐胡詩畫地

唐東巖岳胡亭山大年兩老輩皆安筆硯於庵

蔣侯今

夏坐譚經夜涼定有仙人夢玉笛親吹過洞庭

冬曦迎面煖於絲兩杖同扶野路便扁正上時人

正到果然香火有因緣

和作

平湖

蔣

槐

竹音

十年行脚等浮萍野寺棲蹤客少經難得謝公
雙屐響亂蟬聲裏梵王庭

瘦硬神通鍼裏絲著華老樹愈娟便也如玉帶
留浮玉正是仙緣更佛緣

王福田

心耕

天然送上凌雲跗不枉支筇一度經料得人書
俱老健金華長照寺門庭

喜逢晴日賽黃絲村路無多老尙便留與精藍

作詩事眼前都是佛家緣

海鹽

朱

錦

春甫

歸然古樸西堂峙風雪冰霜閱幾經自有嘉言
譽嘉樹千秋名理悟禪庭

爲祝長眉歲月絲扶鳩酌兕總安便敢云學壽

還傳壽

先生曾書學壽齋扁見貽傾心
學壽還傳壽先生呈阮相國句

問字欣

多翰墨緣

徐同柏

壽臧

菩提一樹前朝物明滅禪燈幾度經不是長眉

尊者手揜依誰解暑中庭

揜依中庭
漢瓦當文

兜羅默運手如絲蘭若重開丈室便恰有柴桑
三徑客白蓮社裏結新緣

徐士燕 穀孫

古廣蓮庵署洪老

庵門舊有康熙時洪西朋棠書古廣蓮庵扁今已燬

來甲子已重經擘窠今得如椽筆神物應知護

福庭

西風吹雪白於絲松竹雙清體自便壽物壽人
還自壽豈徒三昧見奇緣

男邦梁 南橋

庵中何有有倪

端

畫月下山僧獨看經我正病

餘思卻病那辭中夜讀黃庭

兼旬奇冷勒吳絲雙袖蒙戎動不便劇喜我

翁身老健佛天長結壽人緣

男慶榮

稚春

三唐兩宋書門戶入奧升堂幾度經顏祖關

在青

原兼米寶藏

在無為州

定知同壽法王庭

我家書學世傳絲龍爪蠅頭筆盡便

大父精傳書學

慚愧衮師徒挺立看書難會墨池緣

十二月十九日爲蘇文忠壽適海昌蔣生沐

光煦海鹽張受之辛新摹笠屐圖以墨拓

索詩

童到彭山爲降崧

公生於宋仁宗景祐三年丙子十二月十九日公生而彭山童

可憐畢世挽強弓

公貶行瓊儋開詩我行西北隅如度月半弓又次前韻寄子由

云百年不易滿寸寸轉強弓

都因否泰關朝局豈止亨屯出命

宮歸路未圓江北月

公與毛令方尉遊西菩寺詩入未放歸江北路天教看盡

浙西

靈祠已颯海南風一番歌笑一番哭天上人

間此壽公

峨嶼人出自堂堂射影徒工屢謗傷

舒實李定沈括輩

旗

鼓何緣分洛湖

元祐時洛湖蜀朋黨之名始起

門牆終古重秦黃

八州民下千行淚

公和錢穆父送別并求蠟遞酒詩八州憐我往來頻謂密徐湖

桂馨堂集

順安詩草卷八

九

登杭頴揚
定入州

七集詩傳一辨香

南行錢唐超然黃樓
昆陵蘭臺海外七集

兜率海山皆福地

白樂天答李浙東詩海山不是
吾歸處歸卽應歸兜率天公竹

閣詩海山兜
率兩茫然

知公身在白雲鄉

天容海色兩澄清

哲宗元符三年庚辰公自瓊州
移廉州六月十九日夜渡海詩

雲散月明誰點綴
天容海色本澄清

父老迎看慶太平雁帛纔傳歸

屬國蛇年何遽厄康成

徽宗建中靖國元年辛巳
七月二十八日公沒於昆

陵年六
十六

九重孰問前身事

楚辭天問回則
九重孰營度之

六合難

包蓋代名

米襄陽賈晉英光集輓公詩六合
著名猶似窄八州禦魅訖能旋

石室

文翁無恙否好留圖畫祀諸生

聽吹蕙葉返黎家

公被酒獨行徧至子雲成徽先
覺四黎之舍詩總角黎家三四

童日吹蔥
葉送迎翁
吠怪何妨
犬亦譁
公至黎子雲家道中
遇雨假笠展而行道

上小兒隨行調笑或爲笠展圖公作
贊云人所笑也犬所吠也笑亦怪也
春雨不愁邨

路滑帝城猶記帽簷斜
公金門寺中見李西臺與
二錢唱和詩云帝城春日

帽簷
伯時墨妙碑雖蝕
李龍眠畫公像在眉
州公祠石已就蝕
子固

神傳硯未窪
趙彝齋畫笠展
圖刻於硯之陰
正鶴南飛吹笛日
神宗

元豐五年公生日進士李委作鶴南飛曲
以獻又快作數弄笛公有李委吹笛詩
海天飛

送玉梅華
男邦梁注

讀蘇文忠集

數公身世爲公哀
卽此文章便禍胎
寰宇有碑留

黨籍
元祐黨籍碑
今尙存二刻
禁廷無地著奇才
窮非嶺海焉

遷謫壞起熙豐孰挽回我恨生遲八百載那能一
執鐙鞭來

上海王輯庭翁孝友圖八幅書後爲其子二
如壽康作

歸浦左

輯庭翁生一歲而孤六歲時母以食糲令
寄食浦左舅氏翁行阡陌間垂首沈吟舅
呼之潛然曰兒
有母在尋歸

孃要兒飽喫遣就舅氏所兒飽孃不飽粒粒痛在
肚兒願兒忍餓潛然歸黃浦

二千錢

輯翁尚貧時從兄病癯頗頓翁稱錢二千以饋出語人曰兄勿信藥特貧甚不言藥兄不納也

兄病不喜藥兄貧非藥痊借辭爲兄地敢致錢二千錢錢兩心全

莫分養

輯翁之伯兄嘗語翁曰養阿母弟力居多請今分視母膳翁曰同力以事難言報答敢分爾我耶相顧泣

我願我孃壽無量焉有同孃不同養說到此言哭相向

代阿母

輯翁母患疽劇
翁齋請以身代

我母病劇我心苦願捐吾年爲母補神許曰諾汝
母愈

此兒好

輯翁之姪蘭堂疾危翁禱曰此子也
才現者建吾母節孝坊請延其年

姪疾篤叔潛禱曰此兒好吾母有坊 旌節孝
此兒事之工未了噫有叔賢如此焉有此子命不
係

相夫賢

輯翁勤儉起家然不有私財德配布衣蔬
食數十年如一日自以舊綵製一絮襖猶

私藏之曰不收
忘先姑訓也

金玉滿堂私錢無一囊翟第
鸞章平居麤布

裝先姑遺訓曰不忘伯鸞之偶宜孟光

析產讓

輯翁之析家產年已六十餘矣請兄
得十之六兄曰均之翁誠懇至出涕

少食力雙手赤老分析兩頭白請兄得六弟得四
兄曰無之弟涕泗

編家譜

輯翁建宗祠之明年語
子壽康輯世次爲譜

翁建祠子輯譜仁人有後昌門戶昔讀翁傳作八

詩癸卯今讀翁圖八詩補君家孝友難悉數他日

流傳成樂府

丙午元旦

坡公卅九說龍鍾

蘇文忠守密時除夜病中贈段屯田詩龍鍾三十九勞生已強

半况七十九貧病翁筆墨未拋祈老健平安麤報

祝年豐子孫曾幸書聲續柴米鹽兼物價通堂上

雙親遺像在幾時依舊作兒童

正月初九立春日海鹽吾笏山德涵

原名德寧邀

同趙浚洲蓮張受之辛管山墓廬探梅雨

不果次日晴乃行

東風昨夜入東門有約同尋澁水村偏是梅華貪
耐冷風風雨雨到黃昏

明朝乾鵲報晴和一葉舟輕水不波竹屋紙窗香

已孕墓門果擁萬梅多

余昔題管山墓廬圖有墓門前後萬梅華句

詩人骨相例酸寒底事還求本分官聞說豫秦遊
亦倦何如種竹報平安

九十九峰吾舊遊讀書曾住八銘樓

吳蘭陔師之家塾青

山無恙應憐我今日重逢已白頭

台州教授桐鄉陸定圃進士以湣官廨補華

圖

桂馨堂集

順安詩草卷八

三

誰似台州老鄭虔萬華插徧講堂前石田茅屋官
原冷玉館金庭夢亦仙箭道已穿楊葉譜酒場還
舞柘枝顛穉孫晉爨列門下喜遂傳衣願好試曹溪一
勺泉

泗州同守桐鄉周樺舟杰行九龍眠策杖圖

訟庭閒靜放官衙春入山村處處花小李將軍憑
點筆亂山深處野人家

山中有石玉團團曾入南唐硯務官聞說歸裝無
長物可攜片石壓征鞍

黃霽青太守七十壽

山林鐘鼎兩才全江夏聲華孰並肩總爲太平垂

典策倍教君子富青年

西清制誥尊前輩南

海絃歌入舊編

官廣東潮州

曠有閒情排永日太湖峯

插草堂前

歸田後於住宅溪南築園

壯爲循吏老儒林說劍論文自古今肝肺光芒生

白酒齒牙噓植散黃金庾園題徧知名手

園中樹題名碑

石蔡絹裁成絕妙心

續朝詞綜

我是野鷗來往熟停

撓合向鷓湖潯

哭邦梁兒

兒字孟堅號南橋願知孝友三
月十三日病故年四十三歲

杜東坡集
無端愁雨與愁風消卻春三淚眼中髮已封霜無
可白顏雖借酒豈能紅明知年老原應遣其奈心
傷那看空總是我生殊不德敢輕搔首問蒼穹

明日陰晴莫定期誰能未事得前知暢懷便是傷
懷地得意休忘失意時望到將來安可必悔思已
往總嫌遲從今益把心磨洗正恐心猶涉自欺
不善尋歡只善愁此生此病本難瘳惡風頃刻吹
腸斷急浪蒼茫促淚流那及飢寒翻耐久須知芝
朮莫輕投孤孫若解酬恩意除卻詩書可外求

錢唐吳修梅公謹攜晉孫登公和鐵琴索詩

洞庭椅寂嶧桐歇孫郎鑄得麤寶鐵

孫珊庵得此氏所有麤寶

鐵琴并米元章寶晉齋硯雍正十一年癸丑歙姚際恒有記

項家高閣六丁收

飛出神龍天一碧

墨林山人得此琴卽以天籟名開開火力搜出得不壞

古

錦囊投老鐵君延陵鼓理奠河汾

菘圃相國任河督時鐵冶亭制

府所贈

攀菱槌竹功七奏制水亦策烏金勳鬱林州

守抱琴至篆印斑連金錯字

池上篆文天籟孫登又公和方印池下篆

文明項元汴珍藏又墨林連珠印子京父印方印

鐵中錚錚人中英千五

百年無第二鐵絀板唱鐵笛吹鐵如意敲玉壺摧不平鳴豈入琴德天籟響出萬籟卑請君一彈發

一歎曲中幾見滄桑換廣陵散不絕人間鍛人定

屬稿中散

趙晉齋竹庵庵圖宋芝山畫石門蔡鹿賓載

福寄來索詠

乾隆六十年乙卯余與仁和趙晉齋魏定交
於杭州試寓嘉慶六年辛酉與安邑宋芝山
葆淳定交於京都館寓自是後來款余竹田
里門皆不下數十次來必宿宿信信而後返
蓋深相契也晉齋年愈永晤敘亦更久住寶
祐坊寶祐橋家貧而金石文字三千卷則甲
於東南也道光五年乙酉年八十故長物盡

散此竹庵庵圖曾有人攜過余齋今復對之
又入廿年前舊夢矣亦用流字韻成二詩其
次章兼感蘇米齋父子也

那不披圖便淚流萬難寫盡筆纖柔眼前新竹都
如畫話舊無人庭更幽

送盡賓朋似水流心腸木石亦酸柔保安寺路難
重問雲自迷茫風自幽

宋文信國玉帶生硯

正氣爭銷劫火青片泓留認小朝廷虞淵已落戈
難返寶帶仍圍石亦靈豈爲文章登上甲苦將身

世付零丁懸知朱鳥魂歸日謝客同廣孤嶼亭

宋謝侍郎橋亭卜卦硯

石與人心一樣堅不曾餓死不曾全華嚴換劫春
前夢滄海還稜卦後天布畫難留殷甲子徵文猶
得宋坤乾建陽想見垂簾日臣甫麻鞋拜杜鵑

宋文丞相琴

琴刻云松風一榻雨瀟瀟萬里封疆不寂寥
獨坐瑤琴遺世慮君恩猶恐壯懷消後題云
時景炎元年蒙恩遣問召入夜
宿青原寺感懷之作譜于琴中

瀟瀟苦雨打空山譜入哀絲斷黍聞時事已知非
古調此行何必計生還江心他日彈流水寺額長

年照禪閣顏魯公業書禪閣二大字今尚莫向六陵還度山冬青林樹早榛菅

岳祠銅爵

爵高五寸六分深二寸七分口徑長四寸五分闊二寸三分腹容四合重五百十四銖中鑄精忠報國字底下有岳祠建造印案岳元聲精忠類編珂於嘉泰四年鑄奉祀忠武祭器宋亡悉埋土中萬歷間始得自諸暨山中奉金陀坊第之家廟是爵蓋祭器中之一向藏桐鄉汪明府屋家屋沒後歸金雲莊比部德輿徵詩文紀之金歸杭州岳廟近則移歸嘉興岳祠

官家不要復提封翻礙精忠報九重長腳死貪刑

白馬雄心生負飲黃龍纓天北闕書千字酹地西

湖酒一鍾移薦金陀祠廟肅靈旗風雨颯三冬

吳越鐵塔

錢忠懿王以五金造八万四千舍利塔鐵易
繡蝕傳世絕少其銅而塗金者四版分造於
版背鑿款後再用汁黏合故每塔紀數不同
而歲久脫落如人字一版是也鐵則一版銘
成宜無字

八万四千五金塔烏金造者更稀傳儘開菩薩金
剛相不立語言文字禪大冶豈貪黃白氣法輪總
轉去來緣我今已得一功德且緩興歸兜率天

次徐穀孫士燕六月十五日望雨韻

三旬不雨迫無禾敢恃頻年舊穀多石燕竟貪棲

磧礫玉龍偏愛臥江河蓬萊只是愁清淺郡國何
由永戢和不是天公憐下土憫農心事待如何

快雨

亢旱匝月
昨宵雨透

須知此雨不尋常點點多聞新米香豈止農家蘇
苦困直教世界變清涼秋心暗逗先梧葉

明日辰
時立秋

籬角肥抽到治牆六十年前事可怕水村山郭盡

恩忙

乾隆五十年乙巳大旱
丙午米翔貴居民不靖

次韻張仲甫應昌乍浦觀海

怕說昔年事

庚子
壬寅

驚波頓不平千戈橫潰卒烽火

照征程分作無家別誰將巨力爭而今喜清晏長
願靖鯢鯨

秋仲寓居武林上天竺主僧補峰以龍井茶
見餉索詩

萬峰圈出三天竺君在靈峰最上頭兜率宮深千
嶂拜法華輪轉一鐙秋倪迂范緩難描畫殊蜜聰
琴孰唱酬我喜曹溪分乳水龍泓佳茗試輕甌

汪劍秋老友栻夫人心壺女士買得羅兩峰
之室人白蓮女史折枝荷硯以課郎君子

魯索詩

君今不必下方羅只寫青青出水荷可識文章忠
義手東坡曾寄小東坡

八月十五日淨慈寺僧青雨靈芝寺僧蓮衣

來寓索詩

自旅東橋居未踏西湖岸不逢舊雨人但發秋雨
歎今朝放晴霽亭午猶妍暖坐席滿雷何禪林來
忍粲惜從遠公別未得泉公喚跼蹐階生苔泪沒
紙堆案伊人少浙明府現牽絲簿書正凌亂湯休頤暫
歸小別亦淒惋甲辰之秋與青公同飯於伊少浙
官齋與蕭山湯沂門同飯於蓮公
精舍飄萍今復聚攔沙恐還散幸磨詩鏡圓無負佳

月半

九月十三日秋榜發次兒慶榮領浙解回思

嘉慶戊午余領解之年八月十五夜半第

三場卷畢與外甥徐壽臧同柏學徒王孟

將溥

已故

同歸寓情事成此詩與壽臧

卅九年前事真如昨日曾爛銀街道月殘蠟號房
鏗存歿昔多感科名今又仍所嗟同老大白髮兩

鬍髻

壽臧今年七十二

十月二日晨起賦答友戚投贈之作

喬野蠢愚有底長又傳領解玷名場陳陳久愧薪

遐積瑣瑣翻同靴就揚訪舊愛扶筇竹杖餞秋莫
負菊華觴鄰家稻熟眞堪喜到處都炊新米香

王芑庭宿疾得愈

有病卽無礙其如父母憂藥停餐轉健氣盛疾全
瘳益望起居慎長教福祿道前程方遠大指顧騁
驂駟

蔣竹音郎君明遠自京都安訊至

聞得京華信郎君正健彊夏闌方歇馬冬暖穩歸
裝官閣書仍讀都門名漸彰喜心到朋輩不獨慰

高堂

十一月廿五日清晨慶榮已開船北上府學
教授周未庵進士棧寄所畫三椽圖并題

詩於幅見貽次韻以謝

偶乞摩尼濁水珠可能聯步照康衢鱣堂誼重詩

兼畫雉贄心殷步亦趨便把輪蹄教甫歷

慶榮初
次遠出

儘安筆墨是良圖

余以年老不得
同應禮部試

寒林蕭瑟情何

限窗外梅花試幾株

哭程聽溪

二十年中幾合離而今見面便無期癡心可訂來

生伴淚眼愁看往日詩鶴唳魂驚猶似昨

庚子之
夏避兵

德鹿鳴色喜總嫌遲聽溪期望余兒慶榮甚切今
稱喜然已臥疾不能親秋九月慶榮領浙解承貽書
札屬令孫雪門代書矣吳羌山色知依舊腸斷寒
雲遠夢時

梅花四首

誰託長鑱理短鋤移栽玉骨與冰膚師雄夢後月
添豔君復詩成山不孤除卻胎仙難作伴儘誇穠
李恥爲徒維摩正喜逢天女灑徧香華付病夫
巖壑何緣著此身萬叢寒意萬叢春生成冰雪無
他味夢到風華有故人老我柴門空色相多君畫
格滿精神西湖雲水知依舊料理輕橈再問津

半著長廊半短籬繁枝插又插疏枝無言自結高
人伴有韻還栽幼婦辭畫裏青山都入夢窗前紅
豆是相思莫嫌老大心情冷暖送東風也未遲
任是濃妝與澹妝總殊凡卉鬪醒狂寒來漫說春
無分老去偏宜國有香清到絕塵緣入骨靜如惜
別只迴腸人間不少能詩客傳得冰魂是幾章

項東井種梅圖

便種梅華便種春惜華身是此華身從君奪得生
香筆添箇厖眉皓首人

重重疊疊上亭臺不問官梅與野梅爲報南枝妍

暖甚儘移春到日邊來

料檢園丁著意忙安排還與客商量不將老圃干
辛苦那換三春第一香

清門孝友有孫枝

項氏孝友堂
建自宋時

晚盟堂開說項斯

東井有晚
盥堂詩集正是周年看不厭煙香風軟雪消時

丁未元旦

疑年政是八十歲領解今逾廿四科差幸承平容
偃仰敢虛將壽補蹉跎知交祇覺樽前少定省空
從夢裏多喜有平安書兩至已經旬日渡黃河二
月九日慶榮自揚州來書十八日自清江浦來書
廿八廿九連日到知二十二十一可以登車就道

悼妾二絕句

妾王氏秀水人住郡中集街嘉慶元年丙辰
二月六日卯時生道光二十七年丁未正月
二十日未時病故年五十二
做人頗循道理性儉不妄用

十六年中夢裏天無絃琴又斷
么絃憑棺贈汝一
詩扇留證來生未了緣

老梅將月成孤影衰柳摧風賸斷絲
如此淒清如
此夜斷腸人唱斷腸詞
妾於去年九月七日臥疾
奄奄百三十三日瘠如枯

庭前玉蘭盛開

二月一日作
今日盛起

白滿窗前稱意花花真箇玉無瑕誰將暖送
安信便抵春生富貴家天上有堂開禁近人間無
價是清華若教寫作瓊人樣未遜西家靜浣紗

其二

直接梅華帶雪開休論杏靨與桃腮萬叢錦段爭
誇去一樹瓊姿獨看來東海神山銀作闕南朝新
詠玉爲臺苻堅不得過淝水誰是階前蓋代才

朱建卿善旂保石圖

此是補天餘

石爲高文恪舊物建卿
尊人椒堂潛師寶之

仇池石豈如

百金焉可買一品詎云虛甘露猶霑潔卿雲定卷

舒請君還細認可有米公書

賤子昔題識經年蹟又陳暫歸虛白室輕卸輭紅

塵

建卿歸壽
本生封翁

蓋進高堂壽苔深太古春笑他標甲

乙牛李是癡人

哭殷雲樓樹柏

雲樓生於乾隆三十四年三月六日辰時卒
於道光二十七年三月十七日辰時年七十九歲
子毅祥稔豐
植生出嗣

消息傳來劇可憐

三日前翟信齋來說
今晨訃告之文至

爭教老淚

不潸然憑棺痛隔由旬地此筆能空五百年只有

青山題舊館

現今郡城老友
惟文兄後山健

更無淥水種新田

故友

曹古香言純取前人無力買田聊種水詩句意號
種水長余一歲五十年前余與雲樓訂交在種水
水瀨頭齋中始今放聲苦爲股兄喚西麗橋西草
種水卒已十年矣似煙

桐城陳龍巖韜

行三

以省視尊人來桐鄉衙齋

寫龍眠草堂圖以寄鄉心書來索詩

一紙封題兩首詩元龍豪氣自雄奇賦呈魯殿王
延壽筆爲家山李伯時春色無邊濃子舍神交有
道寄朋知梧桐鄉近帆堪挂他日相逢願未遲

明長洲徐俟齋枋畫像

先生與李

潛夫先生名確平湖乍浦人

巢

端明先生名鳴盛嘉興馮家橋人

東

南稱三高泣受詹事命不死老蓬蒿

順治乙酉南都破先生之

父九一詹事將殉國先生欲從死詹事曰吾不可

以不死若長為農夫以沒世可也乃奉父命拮据

營葬遁既絕城市塵又遠幾復囂

社蔡川湖總督

蹟不出既絕城市塵又遠幾復囂

亦賢者深匿避旌旄楊

名无咎字震伯號易

湯江蘇巡撫唯

亦賢者深匿避旌旄楊

孝豈繫空名逃

營葬復營養事事清流種

周子潔老人茂藻手作

其寡媳孤孫終歌起

題卷首曰清流種復孫又徂絕上沙存孤壟爛

溪誠苦心

潘次耕太史待詔乃繼踵

源脩復澗

近彥又繼之復田封墟冢

震澤王視農

上草堂

同人復先生墓田之被占者而清流卷蹟
并余題詩并楊芸墅跋文俱刻石置祠
系絕名
不絕人與道俱重聞說澗上堂萬樹梅花擁

書徐俟齋所書鄭先生授經序卷後

吾哀漢黨錮望門苦投止吾哀宋黨籍荒裔供竄
徙營營何足尤嘒嘒或未是明末盛結社廣召好
名士入主出卽奴縱酒肆詈訾若輩毒報復幾填
牢戶死人生誰不死要看死何似文靖死殉國洋
洋上津水先生貧老死忠孝兩全矣鄭老慎守雌
教授遠狂靡亦由先生賢守道無越軌三復此篇
言持身其可砥

書金子山應仁詩後

有序

金子山以畫名此五七言律詩佳矣若永其
年所得正未可量迺甫五十而歿可哀也余
辛巳以後不遠出癸卯之夏有揚州之行兩
經吳閫與子山相往復俱不值然始時知子
山居停於石門蔡鹿賓載福家則已得其人
繼則因海鹽張受之辛之言又得其爲人繼
子山書來索寫其師朱青立昂之之傳愈又
得其爲人今則已矣可哀也詩其撫松軒偶
存詩後

詩畫一枝筆飄零無奈何
名山心跡遠寸草淚痕
多有子書還讀無田石
可磨虎邱池畔路蕭瑟
忍重過

五月十四日慶榮歸自京邸

萬種歡腸見汝歸錦衣未見勝萊衣
風塵已歷長

途苦涕淚誰知近事非

季勤弟病垂危妾王氏故而僕婢死者二

金盡

漫提官賦辦秧新已愛水田肥
全家總說團團話豈止嫂炊妻下機

海昌硤石蔣霽峰星萼遺像爲吟舫世焞作
紙上有英氣秋風悲怒濤天償一子儁人與兩山

高几硯留塵夢詩篇擢等曹空餘懷舊意白髮鬢
蕭騷

道光丁未七月廿三日自題八十歲畫像

空有長眉長過額苦無大膽大於身只應老作書
風漢野叟邨翁位此人

村居尙是至元里田券猶存嘉靖年瓦屋泥牆杉
木榻筭來韋布是家傳

朝籍一生曾不挂此心何處著貪癡垂頭閉目無
他想半是溫書半改詩

那得昨非便今是只憂夕死未朝聞勉茲一息尙

存日縱惜光陰有幾分

紀夢

昨宵聽汝讀詩聲怪汝今宵得復生爭奈痛呼呼
不應一聲長歎月三更

九月八日銜下題曹慈山徵士滿城風雨近

重陽詩幅

滿城風雨近重陽七字無多字字香正是催租人
解事省他吟就此詩章

滿城風雨近重陽今歲晴和歲大穰便刈新禾便
種麥炊杭蒸秬萬家香

滿城風雨近重陽夢裏登高恰省忙長願太平日
無事何須佩卻老萸囊

滿城風雨近重陽病裏偏知歲月長縱有稱心堪
笑處也何開口鬧顛狂

滿城風雨近重陽無雨無風不更彊詩伴尋秋來
古寺農家擔穀入新場

滿城風雨近重陽六十年來夢亦長

外舅沈寬夫先生見論此

蹟今六十一年矣我筭鴻湖古多士老名士總屬溪莊曹慈

山徵士著述等身壽八十六築永宇溪莊余壯歲時遊之

滿城風雨近重陽續得全篇有謝郎詩事到今豔

人口要知發句不尋常

滿城風雨近重陽天要秋容特地長僕病未書平
復帖東籬且緩放花黃

迎重陽

九月八日

好似故人約掃除戒僕僮預排明日話一味說年
豐

款重陽

九月九日

佳節果然至不知何處來一年曾一度莫負菊華
開

餞重陽

九月十日

送別亦常事勸君盡一觴勿嫌雞黍薄明歲到茅
堂

家庖二首

山薯煮紅玉野蔬蒸綠雲盤餐甘已甚何事恣羶
葷

白雪牛乳餅紫霞羊血羹老饕歡一飽填塹送香
杭

重九日

病裏佳辰此一遭豈徒因病不登高雁行愴斷中

宵夢

楚白四弟五月十七日故年七十八歲

魂穎愁難不律操

插菊蚤羞妝醉漢題糕未必便詩豪明年健
否知誰主細把茱萸亦枉勞

嘉定張匠門太史菊社畫卷

人海相逢屐亦仙黃華白酒會羣賢西風特地增
人壽東絹從天落畫禪不信左徒空結佩底須彭
澤賦歸田潮生閣又清儀閣詩事流傳二百年
今年病裏過重陽那有閒情泛菊觴青眼高歌從
少壯白頭兀坐恥清狂輪躑久斷長安夢冰雪常
懷晚節香認取圖中千紫翠莫將冷豔溷春芳

自遣

不解秋來困病魔朝朝丈室學維摩漸知文字撐
腸少只覺聾盲到手多往事無痕都夢了豐年有
喜識時和秋心轉眼冬心報點綴梅華石幾窠

拙宜園之西鄰硯園廢址黃韻珊憲清以七

萬錢得之

小橋仄徑偏宜偏

范忠貞公贈張螺浮給諫涉園詩句

一硯之園小

有天

海鹽土人稱涉園爲大園硯園爲小園涉園至今無恙硯園則已易更三四姓矣

詩

事又圓江夏夢不妨破費賣文錢

韻珊倚晴樓成屬登賞僕病未能也然躍躍

作登樓想

掖上元龍百尺樓四簷望盡嬾回頭他年突兀班
心立莫忘家園此十洲

胡中黃贈菊

治牆一盞足秋容喜入維摩丈室中不勸鉛華壽
者相儘安籬落野人風浪堆錦繖原形淺細譜牙
籤亦太工人意但如花意健余病百日未能平復杖藜還過

寺橋

太平東

病中遣懷

悲驪離合幾經過八十光陰夢亦多萬事難收如
覆水百年易滿孰迴波病來總藉書爲伴老去終

翰墨被磨笑問奚童無別語寒梅消息近如何

嗚呼痛哉吾

父自丙午春季猝遭先兄

名邦梁字南橋年四十三

之變心

力頓衰去年六月偶染微疴積而成劇藥醫罔效祈禱無靈至今年正月十九日竟爾棄養嗚呼痛哉平生古今體詩不下三千首丙歲冬起親自刪訂始乾隆甲辰迄道光丁未八十自壽詩止僅存七百有餘

不孝

恐久而失墜并將病中諸作謹先登諸梨棗其餘今古文帖體詩暨跋語箴銘當續付刊以敬存吾

父之手澤云爾

道光二十八年戊申十月男慶榮泣血謹識